



Synfocity = 819

mail us at : mzsynfo@gmail.com; mizoramsynod@gmail.com - Phone - 2314648

November 18, 2021

❑ **Synod Finance Committee an ðhu**

Nov. 16 - 18, 2021 chhung khan Synod Finance Committee vawi 138-na chu J.M Lloyd Hall, Synod Office-ah an ðhu a, committee member 42 kalin Aizawl khawchhung aþangin 24 leh Aizawl khaw pawn aþangin 18 an kal.

Committee hi Synod Moderator Rev. Dr. C. Lalhlira'n a kaihruai a, Secretary report leh Finance Officer Report ngaihtlak a ni. Synod Finance Committee vawi 3 ðhut thu te, Synod Finance Managing Committee vawi 3 ðhut thu te, Synod Office, Department leh Field hrang hrang Account-te Audit zawh tawh anih thu te, Kuminah Covid-19 hripui leng avanga kum dang anga Accounts Training leh Finance Campaign neih hleih theih a nih loh thu te Secretary report-ah tarlan a ni.

Tun ðum Synod Finance Committee-ah hian thu ngaihtuah tur chhawpchuah (agenda) 9 a awm a, heng agenda hrang hrangte hi Synod Inkhawmpuia pawm turin chhawp chuah leh a ni ang.

❑ **Kumthar 2022 Puitling Sunday School Zirlaibu**

Mizoram Presbyterian Kohhran chuan kumthar 2022-a Puitling Sunday School zirlaibu tur chu a tichhuak ta.

Presbyterian Kohhran Puitling Sunday School zirlaibu hi Mizo lehkhabu malkhaiah chuan copy chhut chhuah tam ber te an ni ðhin a. Copies 90,000 zet chhut a ni. Kumthar Puitling Sunday School zirlaibu tur pawh hi 90,000 tho chhut tura ruahman a nih laiin Covid 19 hripui vanga Kohhran inkhawm theih dan ngaichangin copies 70,000 chhut phawt a ni a, boruak awm dan a zirin 20,000 chhut leh theih tura inpeihsa a ni.

Nakkum 2022 hian Mizoram Presbyterian Kohhran chuan Puitling Sunday School-ah "Chanchin ðha Johana Ziak Hrilhfiahna" an zir dawn a. He zirlaibu hi Presbyterian Pastor-te zinga Thuthlung Thar lama mithiam Rev. Dr. PR Hmuaka, Aizawl Theological College-a zirtir hna thawk mek ziah a ni. He zirlaibuah hian zirlai thupui 47 awmin phek 316 zeta chhah a ni bawk. Mizoram puma Synod Bookroom dawr zawng zawngah lei theih tura dah mek a ni a, a chhut man Synod-in 25% a subsidised avangin Rs. 110 chauhin lei theih a ni ang.

Mizoram Presbyterian Kohhran Puitling Sunday School zirlaibu hi Mizoram Synod hnuai Kohhran zawng zawngte zirlaibu a nih bakah Presbyterian Church of Myanmar (PCM) hnuai Phai Synod pumpui chuan an zirlaibu atan an hmang ve nghal zel a. Presbyterian Church of Myanmar leh Mizoram Synod Partnership Agreement angin Mizoram Synod chuan kumtin Copy 1000 zet a thlawnin Presbyterian Church of Myanmar hi a pe ðhin a ni.

❑ **Synod Mission Board leh ram pawn chet velna**

◆ **Odisha Mission Field**

Nov. 13, 2021 (Inrinni) khan Rayagada District Adava Pastor Biala Halam khuaa Biak In thar chu Field Secretary-in a hawng a. Biak In thar lawm nan ruai an ðheh nghal a, a khuaa ringlo awm te aþangin harsatna an nei hran lo va, inngeih tlâng takin an awmhova. Biak In thar lawmna ruai pawh hi an khuaa ringlote bākah an chheh vèla ringtu ðhahnem takin an kīlpui a ni.

He Biak In hi Dr. C. Lalzawna CHS, Kanan Veng, Aizawl ami Feb. 18, 1992-a chatuan ram pan tã hriatrengna tur leh Pathian ram a lo zau zèlna tura a nupui Pi Lalthankimi leh a fate thilpeḱ hmanga sak a ni. Halam khuaah hian 2018 aþang khan rawngbawl ðan a ni a, chutih lai chuan an khuaa chhungkaw 28 awmah chhungkaw khat chauh ringtu an ni a. Missionary-te rawngbawlna Pathianin mal a sâwm a, tunah chuan chhungkaw 7 lai ringtu an awm tawh a ni.

Halam khua hi District HQ Rayagada aþanga hmâr lam 100kms vèla hlá a awm, ramhnuai pilril ang reng tak, a hmun erawh nuam tak si a ni a. A chheh vèl 50kms bial chhungah hian Kui khua engemaw zât an awm a, he khua hi Centre-a hmangin chũng khuate chu Chanchin ðha-in a thlen zel theih beisei a ni.

Halam-a Biak In thar hawn leh lawm inkhawmah hian ringthar 4 Lal Isua zui turin an inpe nghal a ni.

♦ **Arunachal & Assam Mission Field (North)**

Nov. 12, 2021 (Zirtawpni) khan Boleng Biala Koreng Kohhran ramah "Field Prayer Centre" sakna túr lungphum Field Secretary-in a phum a. Nov. 13, 2021 (Inrinni) khan Aalo Bialtu Pastor-in Yaki Tato Biak In thar sak túr lungphum a phum bawk.

Nov. 14, 2021 (Pathianni) khan Daporijo Craft Centre-a zirlai chhuakte thlahna (Graduation Day) & Training kal hmang inhrilhfiahna (awareness) hun hman a ni a. Anni hi nikum 2020-a zirlaite niin Covid-19 hripui avanga training neih mumal theih loh karah mi 2-in tha takin an zo thei a, Certificate leh Puanthuina (Kut khawl) hlan an ni. Nov. 14, 2021 (Pathianni) vek khan ringthar 4 Lal Isua zui turin an inpe.

Nov. 16, 2021 (Thawhlehi) khan Aalo Craft Centre-a zirlai, kum 2020- a lut tawh mahse Covid-19 hripui avanga chhonzawm theih loh kumina bul tan tha lehte zingah harsatna tam tak paltlanga zir chhuak ta mi 2 te thlahna (Graduation) hun hman a ni.

♦ **Nepal Mission Field**

Nov. 13, 2021 (Inrinni) khan ringthar 2 Lal Isua zui turin an inpe.

♦ **Jharkhand Mission Field**

Nov. 14, 2021 (Pathianni) khan ringthar 4 Lal Isua zui turin an inpe.

♦ **Arunachal & Assam Mission Field (West)**

Nov. 14, 2021 (Pathianni) khan ringthar 1 Lal Isua zui turin an inpe.

♦ **Assam Mission Field**

Nov. 14, 2021 (Pathianni) khan ringthar mi 5 lal isua zui turin an inpe.

♦ **Karbi Anglong Mission Field**

Nov. 14, 2021 (Pathianni) khan ringthar 11 Lal Isua zui turin an inpe.

♦ **Home Mission North**

Nov. 14, 2021 (Pathianni) khan Thaidawr Bial chhunga Mualthuam Branch Church-ah ringthar 2 Lal Isua zui turin an inpe a, Nov. 14, 2021 (Pathianni) vek khan Damdai Kohhranah ringthar 2 Lal Isua zui turin an inpe.

♦ **Home Mission South**

Home Mission South, Bungtlang South Bazar Kohhran Masihi Sangati Biak In chu Nov. 14, 2021 (Pathianni) khan Rev. Zorammuana'n a hawng a, Crusade chhonzawm nghal niin ringthar 4 Lal Isua zui turin an inpe.

□ **Presbyterian English School (PES)**

Nov. 17 & 18, 2021 khan PES tlawh leh Building thar Pathian hnena hlanna hun hmanpuin Chawngtlai leh Khawzawl Vengtharah Supervisor of Schools Pu P.C Vanlalhruaia a kal.

□ **FG&CC**

Nov. 19-20, 2021 (Inrinni) hian Khawzawl-ah FG&CC Centre Committee neihpui turin FG&CC Director Rev. Lalsangbera a kal ang.

□ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Zokhawthar	Damlo	1	Rs. 8,000/-
2.	West Bunghmun	Damlo	1	Rs. 8,000/-
3.	Phainuam West	Damlo	1	Rs. 8,000/-
4.	Tuidam	Damlo	1	Rs. 8,000/-
5.	Ramthar North	Damlo	2	Rs. 16,000/-
TOTAL				Rs. 48,000/-

□ **Hruaina Eng FM Radio :**

NOVEMBER 19, 2021 (Zirtawpni) (FM Zoawi - Aizawl & Lunglei @ 7:30 p.m.):

Zaipawl : East Phaileng Bial Zaipawl - Hmangaihna a khat Pathian
Solo : Esther Lalthianghlimi - Ala tlai lo
Thusawi : Dr. Ramdinmawii - Tunlai tlang hrileng lakah invenna
Solo : Debbie Lalnunhlui - Kan Pathianin min hruai zel thin
Zaipawl : Hlimen Bial Zaipawl - Lal Messiah

- ❑ **Susamachar Prasaran Programme :**
NOVEMBER 21, 2021 (Pathianni) 5:00 pm. :
Group/Choir/Solo : Chanmari Masihi Sangati - Aaradhana
Group/Choir/Solo : Durtlang Masihi Sangati - Halleluia Chorus
Sermon : Lalhruaitluanga - Isu Kaun hai
Group/Choir/Solo : Luangmual Bial Masihi Sangati - Mere Geeto
Group/Choir/Solo : H.Vanlalringa - Tere Charno

- ❑ **Moderator leh Executive Secretary-te Programme:**

Rev. Dr. C. Lalhlira : Moderator

Nov. 20-22, 2021 Kohhran tlawh, Hnahlan Bial
 Nov. 23, 2021 OM
 Nov. 24 & 25, 2021 SEC
 Nov. 26, 2021 Synod Service Board

Rev. Lianhmingthanga Sailo : Senior Executive Secretary

Nov. 22, 2021 Synod Revival Committee meeting
 Nov. 23, 2021 OM
 Nov. 24 & 25, 2021 SEC
 Nov. 26, 2021 Synod Service Board

Rev. B. Sangthanga : Executive Secretary

Nov. 20 - 22, 2021 Kohhran tlawh, Churachandpur
 Nov. 23, 2021 OM & Central Kohhran Hmeichhe Committee meeting
 Nov. 24 & 25, 2021 SEC
 Nov. 26, 2021 Synod Service Board

Rev. K. Lalrinmawia : Executive Secretary

Nov. 22, 2021 Social Front Executive Committee meeting
 Nov. 23, 2021 OM
 Nov. 24 & 25, 2021 SEC
 Nov. 26, 2021 Synod Service Board

MISSIONARY HNARUAK HRIATTIRNA

Mizoram Presbyterian Kohhran, Synod Mission Board hnuai a thawk turin Missionary (Contract) 50 lak a ni dawn a. Kum 18-35 inkar, ni 21.01.2022-a kum 18 tling, kum 35 la pumhlum lo, zuk leh hmuama fihlim, Presbyterian Kohhran mi tan dil theih a ni. Dilna Form chu ni 16.11.2021 (thawhle hni) atangin Synod Office (Aizawl leh Lunglei)-ah lakchhuah theih a ni a. Dilna hi Synod Office, Aizawl-ah thehluh tur a ni a. Application form man Rs. 20/- a ni. Hna dilna Form-ah hriat tur pawimawh ti hlan a ni.

Thiamna : Class VIII Certificate holder leh a chunglam
 Dil theih hun chhung : December 14, 2021 (Thawhle hni) tlai dar 3 thleng
 Screening test/exam : January 18, 2022 (Thawhle hni) chawhma dar 10
 Interview : January 21, 2022 (Zirtawpni) chawhma dar 10
 Hlawh : Synod hnuai a Contract Missioanry hlawh

Sd/-
 Rev. Lianhmingthanga Sailo
 Secretary, Synod Service Board

PRESBYTERIAN BIBLE SCHOOL (PBS) HRIATTIRNA

Presbyterian Bible School (PBS), Mission Veng, Aizawl-ah C.Th zir duh tan dilna form siam sa, Office-a leiin November 30, 2021 thleng theh luh theih a ni. December 14, 2021 (Thawhle hni) chawhma dar 10-ah PBS Lecture Hall-ah Interview neih a ni ang. Hre chiang duh tan Phone no. 8210377892 / 9862322112 -ah zawhfiah theih a ni e.

Sd/-, Principal
 Presbyterian Bible School

CIRCULAR 66 OF 2021*(Ram tana Ṭawngṭai tura ngenna)*

November 2, 2021-a MKHC Executive Committee thu, Kohhran tinin November 20, 2021 (Inrinni) zan Kohhran Inkhawmah hian Ram tana Ṭawngṭaina neih ṭheuh ni se tih chu mahni kohhran ṭheuhah ṭhahnemngai taka lo hriattir tura ngenna MKHC Secretary hnen aṅangia dawn a ni a. Hemi chungchanga hmalak dan tur sawiin Synod Officers' Meeting (OM) chu November 16, 2021-ah inrawn khawm a ni a.

OM chuan, MKHC ngenna chu Tualchung Kohhran tinten ṭhahnemngai taka tihlawhtling tura ngenin hriattir ni se tiin a rel a. Tualchung Kohhran Inkhawm nei thei apiangte chu ṭhahnemngai taka ram tana ṭawngṭaina hun hmang ṭheuh turin kan ngen a ni.

A hun : November 20, 2021 (Inrinni) zan emaw
: November 21, 2021 (Pathianni) Inkhawm hun remchang

Thupui : 1. Pathian hnena lawmthu sawina
2. Covid-19 hripui leng hi a lo reh thuai theih nan leh he hripui avanga nunna chan an awm zel tawh loh nan

Hei hi lehkha pangngai inthawn chuahna hun a awm loh avangin Synod Information & Publicity aṅanga hriattirna pek chhuah hi Official-a lo pawm ṭheuh turin kan ngen a che u.

I rawngbawlpui,

Sd/-
UPA LALRINMUANA
Secretary
Mizoram Synod

SMTC HRIATTIRNA

Hri leng avanga hun rei tak chhung kan training programme a khaihlak hnuaa ni 11 Oct., 2021 aṅang khan tluang takin training kan kalpui leh thei ta a. Kumthar (2022) lamah pawh harsatna awm lova kan kal theih kan beisei a, churang chuan Trade hrang hranga zir tur lakna INTERVIEW a hnuaia hun leh hmun tarlanah hian buatsaih kan tum a. A hnuaia tarlan ang hian interview neih tur a ni e.

A hun : Ni 29 Nov., 2021 (Thawṭanni) - 09:00am

A hmun : Synod Multipurpose Training Centre (SMTC); Mission Vengthlang

S.No	Trade	Seat	Course
1.	Diploma in Computer Application (DCA)	20	Thla 6
2.	Puanṭhui (Mipa)	20	Kum 1
3.	Puanṭhui (hmeichhia)	40	Kum 1
4.	Beauty Culture	6	Thla 6
5.	Mobile Repairing	5	Thla 6

Note : 1. Dilna hi plain paper-a thehluh tur a ni a, Ni 25 Nov., 2021 ral hma ngeiin SMTC Office-ah thehluh tur a ni.

2. Mamawh zual bikte tan Hostel hawn tum a ni.

Sd/-
Rev. Lalrinthara
Programme Director, SMTC